

1. UDHËZIMET PËR ZHVILLIMIN E ANKANDIT

1. Procedura e ankandit publik do të kryhet në përputhje me VKM nr. 1242, dt. 16.12.2009, "Për rregullat e funksionimit të Komisionit të Ankandit, procedurat e zhvillimit të Ankandit, kriteret e vlerësimit të pronës, që nxirret në ankand, si dhe për mënyrën e indeksimit të përfitimit financiar mujor" dhe me këtë Dokumentacion për Ankandin.
2. Çdo Kandidat blerës ftohet të dorëzojë ofertë. Oferta me çmimin më të lartë se vlera fillestare do të shërbejë për fillimin e ankandit. Kontrata e shitjes do t'i akordohet atij Kandidati blerës që ofron çmimin më të lartë gjatë zhvillimit të procedurës së ankandit publik.
3. Autoriteti shitës lejohet që, në çdo kohë, të anulojë ankandin, për arsye të interesit publik, duke respektuar parimet e barazisë dhe të transparencës. Autoriteti shitës në asnjë rast nuk është i detyruar të shpallë fituesin për një ankand.
4. Autoriteti shitës nuk mban asnjë përgjegjësi ndaj ofertuesve, që kanë paraqitur oferta, për vendimin e marrë në bazë të pikës 3.

Autoriteti shitës, u komunikon të gjithë kandidatëve blerës ose ofertuesve vendimin dhe arsyet për të mos e vazhduar ankandin brenda 5 ditëve nga marrja e vendimit.

- a) Autoriteti shitës boton njoftimin për anulimin e ankandit brenda 10 ditëve nga marrja e vendimit për anulim.
- b) Të gjithë të interesuarit që kanë dorëzuar një ofertë ose kanë marrë pjesë në procedurë do të njoftohen për vendimin e marrë dhe arsyet për anulimin e procedurës së ankandit brenda 5 ditëve nga marrja e këtij vendimi.
- c) Autoriteti shitës, në çdo kohë, përpara mbarimit të afatit të fundit për dorëzimin e ofertave të ankandit dhe për çfarëdolloj arsyeje, me nismën e vet ose me kërkesë për sqarim nga një kandidat, mund të bëjë ndryshime në dokumentet e ankandit, përmes hartimit të një shtojce. Çdo shtojcë u komunikohet menjëherë të gjithë kandidatëve blerës, që kanë tërhequr dokumentet e ankandit dhe bëhet detyruese për ta. Shtojca vihet në dispozicion edhe në rrugë elektronike në faqen zyrtare të autoritetit shitës. Komisioni i Ankandit, mund të vendosë në çdo rast kur hartohet një shtojcë në DA, për të zgatur afatin kohor për dorëzimin e ofertës me të paktën 5 ditë.

5. Termat e përdorur në Dokumentet e ankandit publik kanë kuptimet e mëposhtme:

"Person(-a) i(të) Autorizuar" - person(a) të autorizuar nga Autoriteti Shitës të veprojnë në emër të tij dhe person(a) të autorizuar me Prokurë të Posaçme, autorizim me shkrim ose me një mënyrë tjetër ligjore për të vepruar në emër të Ofertuesit.

"Autoriteti Shitës" – Drejtoria e Sigurimit të Informacionit të Klasifikuar (DSIK), Këshilli i Minisatrive.

"Kandidatë blerës" janë të gjithë personat fizikë apo juridikë që kërkojnë të marrin pjesë me ofertën e tyre në procedurën e hapur të shitjes publike nëpërmjet ankandit publik.
"Ofertues" – çdo operator ekonomik që ka paraqitur një ofertë, në pajtim me DA.
"DA" – ky Dokumentacion Ankandi.